



Daifim


An Official Organ of YMA, Khuangpuilam Branch.

YMA MOTTO



Hunawl hman that
Zofate hmasawwna ngaihtuah
Kristian nundan tha ngaihsan

Khawchin : Source - Accuweather.com



Ruah a sur mai thei.
Temp - Max: 31°C Min: 18°C
Dar 5:00-ah ni a chhuak ang a,
Tlai Dar 5:40-ah a tla leh ang.

Vol - VI Issue No. - 12

- Tau Thla -

12th April, 2020 (Pathianni)

Tunkar chang vawn : 1 Kor. 15:21
"Mihring avângin thihna a lo awm a,
mihring avâng vèkin thawhleha
pawh a lo awm a ni."

Khuangpuilam Village Task Force- Tanpuina dawnte

Tanpuina thilpek petute (chhunzawmna):

68. Tangual SHG, ₹ 2,000/-
 69. Pu H. lalremliana, ₹ 1,000/-
 70. Pu Jakoba, ₹ 500/-
 71. Pu Malsawmtluanga, Vt, ₹ 500/-
 72. Pu Calvina, SDO PWD, ₹ 500/-
 73. Pu Thangkima Sailo, ₹ 1,000/-
 74. Pu H. Zonunthara, ₹ 500/-
 75. Pu Vincent Lalrokima, ₹ 1,000/-
 76. Pi Lalnunhlumi, ₹ 500/-
 77. 05 Riders, Klb, ₹ 1,500/-
 78. Pu Pazawna, Kpl, ₹ 1,000/-
 79. Nu 1, ITI, Aizawl, ₹ 600/-
 80. Pu R. Sangkhuma, ₹ 5,000/-
 81. MZ01 Q8196 Driver, ₹ 500/-
 82. Pu Zoramhermawia, OC, ₹ 1,000/-
 83. Pu Lalhluna, ₹ 1,000/-
 84. Pu Vanrammawia, Vt, ₹ 2,000/-
 85. Pu Remlala, ₹ 1,000/-
 86. Pi C. Lalmalsawmi, ₹ 500/-
 87. Pu Lalramnghaka Khawlhing, ₹ 2,000
 88. Zonu ALF Multipurpose
Co-operative Society, ₹ 3,000/-
 89. Pu Raymond, Canara Bank
Manager, ₹ 3,000/-
 90. Gov't Kolasib college, ₹ 7,000/-
 91. Pu Sanga, New Diakkawn, ₹ 500/-
 92. Joseph Lalmalsawma,
Pu Rinthanga tupa ₹ 501/-
 93. SDBS Welfare fund atangin, ₹ 1,000
 94. Pu F. Khuanga, ₹ 1,000/-
 95. Pu Rorelsanga, ₹ 500/-
 96. Augustine foundation, Klb, ₹ 1,000/-
 97. Auto drivers (KARDU), ₹ 1,000/-
 98. Pi Ramluahi, Excise peng, ₹ 1,000/-
 99. Pi Vanthangi, V-sec, ₹ 500/-
 100. Pi Lianchuailovi, ₹ 1,000/-
 101. Pi Lalbiaknii, ₹ 500/-
 102. Pu Saichhunga Hmar, ₹ 500/-
 103. Pu Lalfamkima, College veng, ₹ 2,000/-
 104. DC, Kolasib, ₹ 5,000/-
 105. KDTOA, ₹ 2,000/-
 106. Pi Lalrinpuui, MJS, ₹ 1,000/-
 107. Pu R. Lalremsanga, MCS, ₹ 1,000/-
 108. Tv. Lalfelzova, K-Sec. ₹ 500/-
- (Thilpetute zawng zawng chungah
lawmthu kan sawi a; tihhmaih awm palh
theiah hriatthiamna kan ngen nghal e.)

Khuangpuilam Task Force-te Thukhawm Lockdown kalpui zel dan tur an ruahman

Dated Khuangpuilam, the 12th April, 2020 (Pathianni) :

Tau thla ni 8, 2020 (Nilani) zan khan Khuangpuilam Village Task Force-te chuan DC, Kolasib thuchhuah bawhzui dan tur relin an thukhawm a. Hetiang hian ruahmanna siam a ni.

1. Nitin zing dar 6 atanga dar 11 inkar chhungin veng chung leh pawnah Task Force lehkha tel lovin bazar theih a ni a. Bazar turin in tin atangin pakhat bak chhuah loh tur a ni.
2. Thlai thar hi vengdangah zawrh phal a ni lova, thlai thar zawrh tur nei chuan BNRGSK Hall kawtah nitin zing dar 6 - dar 11 chhungin zawrh theih a ni.
3. Veng chung atanga veng pawn bazar duhte tan Duty main post (NR Hall peng) ah Taxi leh Auto Rickshaw duty detail siam a ni a. Bazar turte chu duty motor-ah chauh haw tur a ni.

Bazar Shed (Soil Deptt Opp.) bulah Stand an nei ang.

Taxi Group A : 1. Pu Rotlingpuia 2. Pu VL Ngaihdama
3. Pu Masanga 4. Pu Hmingsanga

Auto Group A : 1. Pu Faka 2. Pu Zawntea
3. Pu Mahruaia 4. Pi Kiamlovi

Taxi Duty Group B : 1. Pu Biaka 2. Pu Fima 3. Tv. Mafaka
Auto Duty Group B : 1. Pu David Lalchhandama 2. Pu Mathanga

3. Pu Nicky-a 4. Pu Gopala 5. Pu Lalmalsawma (Tea)

Group A leh Group B-te hi a Ni inchhawkin an duty ang. Duty tur ten Task force Main Duty Post-ah card lam tur a ni ang.

4. Zing dar 6 atanga dar 11 inkar chhung hian chhungkaw mamawh lam kim vek tur a ni a. Dar 11 hnu lama Bazar haw ten harsatna an tawhin Task Force-in mawh an phur lovang.
5. A duh apiang tan veng chung leh pawnah inhlawh phal a ni a. Veng pawn lam mi pawh kan veng inhlawh phal a ni a; mahse, mi panga (5) aia tam awm khawm phal a ni lo.
6. Mahni lo lama feh phal sak kan ni a, hlawhfa pawh lak phal a ni a; mahse, panga aia tam hmun khata awm khawm loh tur a ni.
7. Bazar hun chhung zing dar 6 atang dar 11 bak chu Complete Lockdown kalpui chhunzawm tur a ni. Lockdown hnu (Dar 11:00am) ah Task Force lehkha tel lovin chhuah phal a ni lo.
8. Veng danga inhlawh tur leh emergency thila dar 11:00 hnu lam a chhuak tur ten Taskforce lehkha neih vek tur a ni.

Kolasib District Magistrate thuchhuah

Central sorkar chuan Covid-19 hrileng mek laka inven nan lockdown a pung a. State thenkhatten he lockdown inkaihhraina an bawhchhiat avangin khauh zawk a hmalak a nih theih nan Ministry of Home Affairs chuan order no.40-3/2020-DM-I(A) of 29th March, 2020 a ti chhuak a ni.

He order ang hian State Executive Committee, GoM chuan kan state chung a lockdown inkaihhraina tha taka kalpui a nih theih nan order No. B. 13021/105/2020-DMR Dt. 30.03.2020 a tichhuak ve bawk a ni.

Chuvangin, Kolasib Magistrate chuan, Ministry of Home Affairs leh State Executive Committee, GoM in thuchhuah a siam ang leh Sec 34(1) Disaster Management Act in thuneihna a pek angin a hnuai ami ang hian thupek a chhuah.

1. Thil siamna (Industry) emaw dawr emaw sumdawwna emaw neitu in an hnuaia hnathawkte thla bi hlawh pangngai a hun pangngaiah an pe tur a ni. Lockdown avangin an hnathawkte an chawl a nih pawhin an hlawh tihkiansak tur a ni lo.

(Phek 2-na)

YMA chu tanpui ngaite tanpuitu a ni. – YMA Kumpuan : Zirna uar

Editorial Board :

Represent: Pu Rotlingpuia
Editor: Pu Ricky MS Dawngzela
Jt. Editor : Pu Lalsiamkima
Treasurer: Nl. Florence Zoremsangi
Cir.Manager : Tv. Samuel Lalpekhlua
Contact No: 9862501858 / 9612691291
9612761781 / 7005494983

FLS Station - 9612566886

Chawngbawla Section

Leader : Pu F. Lalbiaksanga
96121 55162
Secretary : Tv. R. Lalnuntluanga
82599 60032

Vanapa Section

Leader : Pu Lalchuaailova
87300 99599
Secretary : Tv. Lallawmzuala
87875 41803

Khuangchera Section

Leader : Pu Lalramzaaua
76408 95924
Secretary : Pu Zachungnunga Hrahse
76299 69989

Editorial.....

Halleluiah Amen!!

Hringnunah hian nawmsak duh-na a lianin, tupawh mai hian hausak kan chak deuh vek a, hausa deuh nih chak kher lo pawh hian awm nawmna tur tawok chu kan duh vek a ni. Chutianga hausak leh awm nawm chak ta chu, kawng hnihin a nih theih dan lo thlir ta ila.

A pakhatnaah chuan Pathiana rinna nght tak taktute hi mi hausa an ni. Sawi thui vak a ngai lo, kan sakhaw lehkhahu thianghlim 'Bible'-in min hrilh vek. Kan hriaa, zawm kan tum lo mai a ni. Pathiana inngat mi nun ropuizia kan sawi thiam vek; mahse, a takin kan dai peih lo mai zawok a ni. Engati maro? Chan leh hrehawm tawrh hmasak kan peih lo.

A pahnihnaah chuan, mahni phak ang tawok zela khawwak rel thiamte hi an ni leh ang. An sum lakluh milin khawwak an rel a, an nih loh ang puia lan tumin sum an khawhral mai mai lo a, an rullh theih loh khawpin ba an ngah fun lo a (Bat ngah hi changkanna an ti ve lo), an thla a muang a, ful lova sum hman aiin nakin atan an khek a, an peipung hret hreta, hmasawmna rahbi an rap chho thin

Khawvel hian mi hausa tlachhe ta a hmu teuh tawh ang bawokin mi rethei lo hausa ta mi tam tak a hmu a. Mi hausa, nawmsak bawol nan ringawta sum chen-ral seng lo an awm lo angin bawokin mi rethei, rilru nei tak chung a hmasawm tum rethei reng si an awm bik lo ang. Chung mite nun atang chuan zirtur tam tak leh zawm nghal tur kan nei ve bawok a ni.

Hun harsa kan tawh mek hian Pathian kan rinna tipung se, kan nitin nunphung, kan khawwak rel dan thlengin harhna thlen thei se a va duhawm em!! Kan Kristianna hian lemchang nun atang-in nun tak, nun hausa min nehtir matwlh rawh se. Halleluiah Amen!!

Branch YMA Office Bearer

President	Secretary	Treasurer
Pu HD Daniala 9863212083	Pu Lalremsiama Varte 9862327112	Pu David lalrosanga 9436158962
Vice President	Assistant Secretary	Financial Secretary
Pu S. Lalthangliana 8787326114	Nl. Florence Zoremsangi 9612761781	Pu Rotlingpuia 9862385193

(Phek 1-na zawmna) 2. Kuthnathawk a eizawng tangkhangte mi in luah a an awm a nih a, a luah man pek turah harsatna an nei a nih chuan, a in neituin thla khat chung atan a in luah man a dil lui tur a ni lo.
3. In neitu in a in luahtu, kuthnathawk emaw zirlai emaw an nih chuan a in atanga chhuak turin a tilui tur a ni lo.

Heng a chung a thupekte hi bawhchhia an awm a nih chuan District Magistrate, Kolasib hnenah thlen tur a ni. He thupek zawm lo chu U/s 188 of IPC hmangin hrem an ni ang.

Khuangpuilam Task Force Hriattirna

Khuangpuilam Village Level Task Force chuan veng chhunga hnamdang/vai awmte hriatchian an nih theih nan Khuangpuilam Area huamchhunga hnamdang/vai hnathawk kaw l emaw chhawr emaw in luahtir emaw kan awm anih chuan Task Force hruaitute hnenah a hnuai ami ang hian inhriattir turin kan inngen e.

Hetiang in :- 1) Inluah neitu hming, 2) Section, 3) Sponsor tu,
4) ID xerox copy (Vai) - 1 no. 5) Inneitu Contact No.

CYMA-in Lockdown chhunzawm an duh

Tau thla ni 8 zan dar 7:30 khan Central YMA CEC Emergency meeting neih niin, President Pu Vanlalruata'n a kaihruai a. Central YMA CEC Emergency meeting chuan ni 14-a tawp tur inkharkhip (Lockdown) chu chhunzawm leh an duh a. Tunlai hripui leng mek Covid-19 avanga harsatna kan tawh, hmalak mek dante leh rawtna hrang hrangte zau taka sawiho a ni. CEC meeting chuan hripui leng vanga ei leh bara veng/khua ten harsatna kan tawh mekte sukiang tura khairual zawka hmalak ni se an ti.

Hripui leng avanga inkharkhip (lockdown) chu Tau thla ni 14, 2020-ah a lo tawp dawn tak avangin, kan state dinhmun thlirin he inkharkhip hi la chhunzawm zel tha an ti a, hemi chungchang hi sorkarah thlen tura tih a ni. Heng bakah hian Mizoram ramri International/Inter-state leh hmundanga tlawnngaia mahni inthapa venhim hna thawktute tlawh chhuah tha an ti a, a tuldan leh remchan dana bawhzui ni se an ti bawh.

TV atangin zirtirna pek a ni dawn

Covid-19 leng avangin India ram pumah Lockdown hman mek a ni a. School luh hunah pawh zirlaite an luh theih tak loh avangin School Education Department chuan TV hmanga zirtirna pek chhuah dan tur ruahmanna an siam a. DDK, Aizawl-ah Thawhtanni atanga Inrinni thlengin tlai dar 3:05 apiangin darkar chanve chung naupangte zirtirna tur tihchhuah thin a ni dawn a. Tau thla ni 13 (Thawhtanni) atangin tihchhuah a ni ang.

A bul tan nan Class X zirlai Science leh Mathematics zirtirna tihchhuah a ni ang. Zirlaite chu hemi hunah hian DDK Aizawl lo thlir a, note book leh pen nen inchhawp a, a pawimawh lai apiang lo chhinchhiah ve zel tura beisei an ni.

Lockdown chung hi hri leng a reh fel hma chu pawhsei zel theih anih avangin zirlaiten he hun hi ngai pawimawh tur leh, nu leh pate pawhin lo ngaihven pui turin Department hotute chuan an ngen a ni.

PM hovin CM Meeting nei - Lockdown kalpui zel duh

Covid-19 hripui leng mek avanga India rampuma inkharkhipna kalpui mekah nimin khan Prime Minister Narendra Modi chuan India rama Chief Minister leh Lt. Governor te chu video conference kaltlangin a kawm a. State hrang hranga hmalak dan te leh kal zel an duh dan te ngaithlain, Prime Minister chuan a tam zawkin inkharkhipna kalpui zel an duh angin, kar hnih chung dang kalpui turin ruahmanna siam a nih tur thu a sawi.

Vantlang hmuna chil chhah khap a ni

COVID-19 laka mipui an lo him theih nan wawiin khan Chief Secretary chuan thuchhuah siamin, tumahin vantlang hmunah chil chhak lo turin mipui a hriattir a. He thupek bawhchhia te chu The Mizoram Epidemic Diseases (Covid-19) Regulations, 2020 Section 13-in a sawi angin an chungah hremna lek kawh theih a ni.

(Thu ziak Huang)

Hripui - Mihringte cho chhuah...?- Dr. David C. Vanlalfakawma
Zemabawk, Aizawl

Khawiah emaw hri a leng fo ṭhin. Hri a len hian han chhui han chhui ila mihringte vang a ni tlangpui ṭhin. Heng hrileng te hi thilsiam tinrengte a lo inbuk tawh leh theihna tura Khuana remruat a ni...

Khawvelah hian hri a leng fo a, a ṭhen chu hmun zimteah a leng a (endemic), a ṭhen chu hmun zau zawkah (epidemic), a ṭhen erawhin khawvel pum a huap thung (pandemic). Mizoramah pawh hrileng kan tuar ve fo a, kum 1918 bawr vela 'Influenza' kha kan tawrh nat ber a ni mai awm e. Khaw ṭhenkhata Zawnghri leng kha an tuar viau bawh. Hri hi engvanga leng ṭhin nge ni ang tih hi zawhna lian tak a ni ang. Chhan hrang hrang a awmin a rinawm. Mi ṭhenkhat chuan ram engemawin ralthuam (Bio-weapon) atana an siam a nih an ring a, ramsa aṭanga kan kai chhawn ni a ngai an awm bawh. Tun ṭumah hian Ecology tarmitin kan thlir dawn a ni.

Khuarel thilthleng – Mihring vang

Khawvela thil thleng tam tak, 'khuarel thilthleng' kan tih te hi khawvela chengte'n kan chenna kan enkawl danin a nghawngchhuah tam tak a awm a, mawhpurthu lianber te chu mihringte kan ni. Chu'ng khuarel chhiatna zingah chuan tuilian te, leimin te, thlipui te pawh a tel thei ang – In kan sakdan phung te, kawlpheha siam-chhuahna tura tuikhuah avang te, boruak chhia kan tihchhuah nasat avang tea lo hluar ta an ni. Chutiang zelin khawvel sik leh sa danglam chak lutuk dan te, awmna hri te, dengue te leh khawṭhalo hri leng fote pawh hi mihringte khaw-sak dan phungin a tih hluar chhoh an ni ber mai.

Pathianin khawvel a duan danah hian thil engkim mai hi inbuk tawh leh inkamki tawkin, inmamawh tawnin a siam a, chu inbukawn chu a lo danglam hlek hian harsatna eng eng emaw a lo piang ṭhin. Chung zinga pakhat chu hrileng hi ni ngeiin a lang. Hri hi mihring te chungah lo pawh a leng fo a, tun hnaiah pawh vawh pul hri te, arpul hri te, Saza hri te a leng a. Mihringte zingah pawh Ebola te, SARS te, Swine flu te, Avian flu te bakah nantna hri chi hrang hrang a leng ṭhin a, Covid 19 (SARS CoV-2) a leng leh mək bawh. Heng zawng zawng hi a chhan dik tak hrela mah ila, Ecological imbalance vang a ni thui hle tih a hriat theih.

Hripui léng tawh ṭhenkhat – Ecology tarmit aṭangin :

Kum 1918-a Spanish flu, mi maktaduai 10 chuangin an thihpui, Mizote pawhin Influenza tia kan lo hriat leh kan lo tawrh ve pawh kha tui-sava aṭanga kaichhawna ngaih a ni a, kha hripui kha 'Mother of all pandemics' (Morens and Taubenberger, 2018) an ti hial a. Khami a chinah khan a khat tawkin awmna hri (influenza) hi khawvelah a leng renga ngaih a ni. Kha hripui kha Spain aṭanga darh nia ngaih a nih avanga Spanish flu tih a ni nain, khatiang taka a darh a, hriatchhuah a nih hma khan vei engemaw zat an awm tawhin an ring a, kum 1917 khan a darh tawhah an ngai hial. A lo chhuahna bul tak pawh hi rindan chi hrang hrang a awm a, France a nih ring te, China a nih ring te, Britain a nih ring te pawh an awm bawh. Indopui pakhatna hunlai a ni a, Ecological crisis nasat vanglai tak a ni bawh. Indopui lai a nih avangin sipai raldote chu hmun chep tak takah an inēkbeng a, an eitur vawh leh sava lam chi – ar, vatawk adt. an vulh bawh. Tui-sava aṭangin vawkin a kaichhawng a, chu chu mihringin an lo kai chhawng ve leh ta ni a ngaih a ni a (Parrish et. al. 2015; Dunham et. al. 2016). Indopui laia sipai veivakten he natna hrik hi an pu darh nasa ni a ngaih a ni bawh.

Ebola Virus kha bāk chikhat (fruit bat) ☿

aṭanga kai nia ngaih a ni a. Kum 2013-a a lo darh ṭanna hmun nia ngaih Africa khawmualpuia Guinea ram chhimlama Méliandou khua hi ramngawin a hual vel ṭhin ram a ni a. Guinea hian kum 30 chhung emaw zet chu kumtin ramngaw 1% vel zel an hloh a, Méliandou khua phehi hi chuan theihmun atan leh oil palm hmun atan an ramngaw za a 80 zet chu an ṭhiat a, ramsa leh mihring daidangtu a lo chhiat zel avangin ramsain natna hrik an lo mikhual kha mihringin an lo kai ta a, ramsa tana engmah nilo kha a insiam danglam (mutate) zel a, thihna rapthlak thlentú Ebola hripui a lo ni ta a ni (Dorit, 2015).

Middle East Respiratory Syndrome Coronavirus (MERS-CoV) hi kum 2012 khan Saudi Arabia rama damlo pakhat aṭanga hriatchhuah chauh a ni a, Sanghawngsei aṭanga kai nia hriat a ni (Rasmussen et al. 2015). Sanghawngsei hian mihring a kaichhawh hma hian a reilo berah kum 20 emaw chhung tal chu an lo pai reng tawh a ngaih a ni a (Azhar et al. 2014; Meyer et al. 2014), Eng aṭangin nge Sanghawngsei hian a kaichhawh a, mihringte tana hlauhawm a lo nih tak tih hi tun thlenga an la chhuichhuah theiloh a ni thung (Salkeld et. al., 2016). Kum 2012 aṭang khan MERS-CoV avang hian mi 858 vel tal an thi tawh a ngaih a ni (WHO).

Ramngaw chereu... Ramsa man/ei... Hripui leng :

Heng natna hrik te hi ramhnuaiah, an mikhualna, ramsa taksa chhunga an awm mai mai hian mihringte tan a hlauhawm lem loh. Mahse ramsa te leh mihring te kardangtu ramngaw kan tichereu a, ramsa te nen kan inhnai tur aiin kan inhnai ta a; mi ṭhenkhatin ramsa an man a, an khawi a, an ei bawh a, churang chuan ramsa aṭanga natna kaichhawh theih (Zoonotics) avangin kan buai kan buai ta a ni ber mai. Heng natna hrik te hi an mikhualna – ramsate tana hlauhawm an ni lem lo; mahse, mihringa a luh erawh chuan natna ṭihbaiawm tak a ni thei a, tin, ramsa aṭanga mihring ten direct-a kan kai kher loh pawhin ramsain ranvulhah kaichhawngin chu hrik chu a lo insiam danglam (mutate) a, tichuan mihring ten kan lo tawrh theih phah ta ṭhin a ni.

Covid-19 hi China rama Wuhan-a sa (nung leh nunglo) zawrhna aṭanga darh ṭan nia sawi a ni a, helai dawh hmun hi ramsa nung lai chi hrang hrang an zawrhna hmun nia sawi a ni bawh. Heng ramsate aṭanga kaichhawh hi ni ta bera ngaih theih a ni a, he hri a lo darh tak hnu lawka China sawrkarin ramsa zawrh leh ei a khap tak aṭang hian he thu hi an pawm tih a chiang viau awm e.

Pathianin a thilsiam chitin reng te tan ramri fel takin a duang a, mihringte hian (☿ Phek 4-na)

Harsatna tam tak hi kan fimkhur loh leh dawn thui loh vanga keimahni insiam chawp a ni

(Phek 3-na zawmna) kan ramri kan kân nasa ber a, min hungtu (envelope) pelin ke kan pen (de-envelope) fo ðhin. Hei hi development (de-envelope/ desveloper) ðawngkam lo chhuahna bul nia ngaih a ni bawk. Hmanlai piputen an buh leh bal vennan vauah thang an kam ðhin. An ramri pela mihringte thlawhmmaa luh tum ramsa chu an lo awk mai ðhin. Pasalþha Neuva pawhin a ramri a pel a, Val-upaten thiangoa an ngaih thlengin a tawnluia, a nunna a chan phah hial. Khuarel ramri (Khuavang ri khamsa nilo!) hi kan kân tikah harsatna leh buaina kan tawng fo ðhin tih a lang reng mai.

Hriléng pumpelh :

National Institute of Allergy and Infectious Diseases, Maryland, USA-a zirmite chuan heng ramsa aþanga natna kan kaichhawn hi a zual telh telh an rin thu kum 2018 khan American Journal of Public Health-ah an lo puang tawh a (Morens and Taubenberger, 2018). David Quammen-a chuan “Ecosystem kan tihhchiat zel avangin a chhunga virus chi hrang hrang awm te kan ching chhuak mēk a, an chenna hmun kan tihchhiat miau avangin chenna thar, mihringah a rawn zawng ta zel a ni,” a ti bawk. Mizo upa te pawhin, “Kan zun ekthli kan tuar ta love,” tiin an chenna khaw hrisello chho zel chu pemsanin khawthar an kaiphah ðhin bawk.

Tunlai khawvela hriléng te hi a bul ðanna mai niin zirmite chuan an ngai a, hetiang zela kan chenna khawvel kan enkawl chuan a la hluar chho deuh deuh dawn niin an ngai. Tunlai khawvelah hriléng laka invennana khawthar kai maina tur a awm tawh lova, pemsan ngawt theih a ni lo. Zun, êk thli leh bawlhhlawh enkawl kawnga chet fai piahlam a ngaih zia a lang cho mēk. Natna hrik chi hrang hrangte ramhnuaia an awmna aþangin va chingchhuak kher lo ila, kan himna kulhpui kan ramri hi kan lo ila, mihring zinga an lo luh ve theihlohna turin an chenna ramngaw humhalh zel ila, natna hrik pu darh theitu ramsa leh sava te man, khawi leh an sa ei sim bawk ila, tichuan hri hlauhawm lakah kan him zawk ang a, hrileng pawh kan pumpelh thei zawk ngei ang.

ram Krista kan pe a lunguala a hmaa kan kun theihna hun Pathianin min siam sak a, chhungkuaa Pathian be ho thei tawh reng reng lote’n Lalpa maicham an din thar leh a, Jerusalem kulh bang chimte rem ðhain a kawngkhar leh tukverh tla bal tawhte thuam ðhat mek a ni ta.

He hripui hi Lalpa’n min hremna emaw, min zilh hauha emaw kan tih tlat chuan Pathian program hi kan rem fu thei lovang. Kohhran ho ten kan duhthusa Pathian hnenah kan thlen a, kan tih theih bak ti turin a kutah kan inngat a, a rorelna hrethiam turin kan dil a, hriatthiam erawh kan tum ve a ngai a ni.

COVID-19 hmangin kan tihmangan zawh loh Hindu lal ram chu a timangangin a tirum mek a, keini a mi thlante tan inpumkhatna min siam a, Mizo Kristian tlemte te khawsa ziain, sakhaw dang betu te mak tih a hlauh a, Pathianin Jerusalemah Lal anga a luhna tur kawng a sial mek a ni.

Pathian hian min la hawisan lova, a ram zauh zel nana Kristiante ðawngtaina a chhang mek zawk a ni. Hawh u, lawmthu sawi ila, a ram a zauh zel nan bang lovin i ðawngtai zel ang u. **- Pu David Lalrosanga**

Pathianin min hawisan lo

“Zion khawpui hlun Pathian Kohhran chu, in sak hming a mawi hluan e”

Mizo te hi Pathian hnam thlan, Lalpa zawn chhuah ram kan in ti ðhin a. Hindu lal ram India meuh pawh su eng thei tura inngaiin Kohhran tinte pawn, India ram hi Lal Krista ram ni turin ðan kan la a, Pathian hnenah kan dil ðhin. A chhanna erawh engtia lo thleng tur nge tih lam reng kan suang tuah thiam lo.

Dik tak chuan Lalpa’n hna a thawk ang tih chu kan ring a, Lalpa hnam thlan kan nih pawh kan pawm; mahse, a tak taka India ram ti eng tur chuan keimahni kan inen a, mi inngeih lo awm khawm, Kohhran pawh inlungual chuang lo, niin kan inhria a, he Hindu lalram su ðhiat tur hian tling tawkin kan inngai lo leh ðhin.

Engah nge i kun reng..? Jona pawh Pathian kohna chhang duh lovin a nilo lamah a kal a, rilru chhe takin Ninevi mipuiin an tuar lai hmuh chakin a thli a; mahse, Lalpa mi thlan a nih avangin a ðawngkam khat lek avangin Ninevi khawpui khan an nun an sim tho. Mi dangawk Mosia khan ðawngkam thiam lo mahse, Lalpa mi thlan a nih avangin Israel fate Sal ata hruai chhuak tur khan thil mak tih theihna nen Pathianin a thuam a, mi tlinglo ni mahse Israel fate zalenna thlentu a ni. Pathian mi thlan rawlthar Davida kha Philistian-ho tlawm nan a tawh.

Nang Mizo Kristian, engah nge tling lova i inngaih a, fello riau a inngaia i kun reng le!! Pathian hnam thlan kan nih takzet chuan A ni chu kan lamah a ðang anga kan hneh ngei ang.

Lalpa lamlian sial ula A dik, A lamlian pawh kan sial thiam lova, a kawng pawh kan ti ngil thiam lo a nih hi. Mahse, Kohhrante ðawngtai na vangin chu lamlian kan sial thiam loh, a kawng pawh kan tih ngil thiam loh chu, Amah vekin bul a rawn ðan ta.

Eng tin maw? Ele Hripui hlauhawm COVID-19 hmangin mawle.. India ram chanchin-thar zawng zawng luahtu chu COVID-19 a ni. Chumi hmang chuan Lalpa’n a ram lakna turin kawng min sial sak a; keinin kan chawlhsan thiango lo. Lalpa’n a lampui a sial dan hi i man thiam em?

a) Kristiante aia sakhaw ropuia inngai, India rama tam ber Hindu leh Muslim-te chu kan Jerusalem kulh chhunga hmelmate anmahni leh anmahni an inbei ang maia inbei turin boruak chhe theih tawp nen an inep ta ut mai! Lalpa’n he sakhaw lian pahnihte hi a duh phawt chuan a tiboral vek thei. Nang leh kei, kan ðawngtaina hmangin, Pathian hnam thlan kan ni tlat a lawm.

b) India ram chanchin thara thu lawmawm ngaihthlak tur awm miah lo kar a, chanchin ngaihnawm ber leh national news puangtute pawhin hlim hmel pu taka chanchin an puan chu Mizo Kristiante khawsa zia a ni. Lockdown kalpui a ni chung a Pathian faka hlim taka kan zai te, hnam dang pawh thliar lova, tlawmngai pawlte’n Driver-te ei in tur an pek ðhin te, mipuiin Sawrkar thu kan awihziat hmangin Sakhaw dang lakah Pathian a inpuang mek a ni.

c) Kohhran hrang hrangte’n kan inlung bikna Denomination kan dah ðha a, kan